

氏族典第二百五十四卷

王姓部列傳二

漢二 王奉光

按漢書外戚傳孝宣王皇后其先高祖時有功賜爵關內侯自沛徙長陵傳爵至奉光少時好鬪雞宣帝在民間相識奉光有女十餘歲每當適人所當適輒死宣帝卽位召入後宮進爲婕妤霍皇后廢上憐許太子早失母選後宮素謹慎而無子者遂立婕妤爲皇后封奉光叩成侯元帝卽位二年奉光薨諡共

王式

按漢書王式傳式字翁思東平新桃人也事免中徐公及許生式爲昌邑王師昌邑以淫亂廢羣臣皆誅使者問師何以亡諫書式對曰臣以詩三百五篇授王至忠臣孝子之篇未嘗不爲王反覆誦之也危亡失道之君未嘗不流涕爲王陳之也臣以三百五篇諫是以亡諫書使者以聞得減死論歸家不教授諸博士薦式除爲博士謝病免歸終于家

王遷

按漢書恩澤侯表遷以光祿大夫與大將軍光定策功本始元年封平丘侯地節二年坐爲尙書聽請受贓六百萬自殺

王迺始

按漢書外戚傳宣帝地節三年求得外祖母王媼媼言家本涿郡蠡吾平鄉年十四嫁王更得更得死嫁王迺始產女翁須辭皆驗迺始以本始四年病死追賜諡曰思成侯

王武

按漢書恩澤侯表武地節四年二月以帝舅封樂昌侯十四年薨諡共

王無故

按漢書恩澤侯表無故地節四年二月以帝舅封平昌侯九年薨諡曰節

王生

按漢書龔遂傳遂爲渤海太守吏民富實獄訟止息上遣使者徵遂議曹王生願從功曹以爲王生

耆酒無度不可遂不忍逆從至京師王生日飲酒遂引入宮王生醉從後呼曰天子卽問君何以治渤海宜曰皆聖主之德非小臣力也遂對如言天子笑曰君安得長者之言而稱之遂曰臣非知此乃議曹教臣也上拜遂水衡都尉王生爲水衡丞以襄顯遂云

王襄

按漢書王襄傳襄字子淵蜀人也宣帝時天下殷富數有嘉應上欲興協律之事益州刺史王襄聞襄有俊材請見使作中和樂職宣布詩選好事者習歌之汜鄉侯何武選在歌中久之武等學長安歌太學下上聞召見賜帛益州刺史因奏襄有軼材詔襄爲聖主得賢臣頌上令襄與張子喬等並待詔所幸宮館輒爲歌頌第高下賜帛擢諫大夫太子不安詔使襄等之太子宮誦讀奇文及所造作太子喜襄所爲甘泉及洞簫頌令後宮貴人左右皆誦讀之後益州有金馬碧鷄之寶使襄往祀道病死

王襄

按漢書王襄傳宣帝欲興協律之事益州刺史王襄欲宣風化於衆庶聞王襄有俊材請相見使作

中和樂職宣布詩選好事者令依鹿鳴之聲習而歌之

王山壽

按漢書功臣侯表山壽以丞相少史誘反者車騎將軍安入丞相府封商利侯十四年元康元年坐爲代郡太守故劾十人罪不直死

王昌

按漢書諸侯王表元康四年競元孫長安公士昌詔復家

王安樂

按漢書諸侯王表元康四年薊曾孫長安大夫安樂詔復家

王襄

按漢書諸侯王表元康四年陵元孫長安公乘襄詔復家

王充國

按漢書諸侯王表元康四年吸元孫長安大夫充國詔復家

王接

按漢書恩澤侯表五鳳元年平昌考侯接嗣十六年薨

王定

按漢書功臣侯表定以匈奴烏桓屠驀單于子左大將軍率衆降五鳳二年封信成侯十二年薨

王譚

按漢書恩澤侯表訴子譚與大將軍光定策益封元鳳六年嗣宜春侯四十五年薨諡康

王亥

按漢書儒林傳亥受穀梁春秋甘露元年與諸儒議公穀異同於殿中時爲中郎

王成

按漢書王成傳成不知何郡人也爲膠東相治甚有聲以流民自占八萬餘口宣帝下詔褒之賜爵關內侯秩中二千石未及徵用會病卒後郡國上計或言成僞自增加以蒙賞云

王吉

按漢書王吉傳吉字子陽琅邪阜虞人也少好學以郡吏舉孝廉爲郎補若盧右丞遷雲陽令舉賢良爲昌邑中尉王好游獵驅馳吉疏諫王敬禮吉賜牛肉酒脯王廢羣臣坐在國不舉奏王罪皆下獄誅唯吉與郎中令龔遂以數諫減死髡爲城旦起家復爲益州刺史病去官復徵爲博士諫大夫上疏言得失上以其言迂闊不甚寵異遂謝疾歸元帝卽位遣使徵吉吉年老道病卒遣使者弔祠云子駿

王禁

按漢書元后傳禁字稚君少學法律長安爲廷尉史有大志不修廉隅好酒色多取傍妻凡有四女八男長女君俠次卽元后政君次君力次君弟長男鳳次曼元卿譚子元崇少子商子夏立子叔根稚卿逢時季卿唯鳳崇與元后政君同母母適妻魏郡李氏女也後以妬去更嫁爲河內荀賓妻政君年十八入掖庭會皇太子所愛幸司馬良娣死宣帝令皇后擇後宮可以處侍太子者政君與在其中得幸有身生成帝太子卽位是爲孝元帝以王妃爲婕妤封父禁爲陽平侯後三日婕妤立爲皇后禁位特進永光三年薨諡曰頃

王弘

按漢書元后傳禁弟弘至長樂衛尉

王舜

按漢書恩澤侯表初元元年舜以皇太后兄侍中中郎將封安平侯十三年薨諡夷

王敞

按漢書恩澤侯表初元二年敞成侯敞嗣二十八年薨

王廣漢

按漢書功成侯表初元五年信成侯廣漢嗣永光三年薨亡後

王臨

按漢書恩澤侯表永光三年平昌釐侯臨嗣二十一年薨

王章

按漢書恩澤侯表建昭四年安平剛侯章嗣十四年薨

王扶

按漢書儒林傳張游卿以詩授琅邪王扶爲泗水中尉

王中

按漢書儒林傳嚴彭祖授公羊春秋琅邪王中爲元帝少府家世傳業

王商

按漢書王商傳商字子威涿郡蠡吾人也徙杜陵商父武封樂昌侯商少爲太子中庶子以肅敬敦厚稱父薨嗣侯推財異母弟居喪哀感大臣薦商擢諸曹侍中中郎將元帝時至右將軍光祿大夫成帝卽位甚敬重商徙左將軍帝舅大將軍王鳳專權商不能平商代匡衡爲丞相天子甚尊任之爲人多質有威重長八尺容貌過人單于來朝仰視商貌大畏之遷延却退天子聞而嘆曰此真漢相矣王鳳陰求商短使人上書言商闇門事天子以爲闇昧不足以傷大臣鳳固爭下司隸會日蝕大中大夫張匡上書言商不忠罔上詔收丞相印綬免三日歐血薨諡曰戾商子弟親屬侍中者皆

出補吏

王駿

按漢書外戚傳成帝卽位爵太皇太后弟駿爲關內侯

王崇

按漢書恩澤侯表崇建始元年二月壬子以皇太后母弟散騎光祿大夫關內侯封安成侯二年薨

諡共

王咸

按漢書恩澤侯表建始三年宜春孝侯咸嗣十八年薨

王奉世

按漢書恩澤侯表建始三年安成靖侯奉世嗣三十九年薨

王昌

按萬姓統譜成帝建始三年南陽太守王昌爲右扶風

王鳳

按漢書元后傳禁長男鳳孝卿嗣侯爲衛尉侍中成帝以爲大司馬大將軍領尙書事益封五千戶又封太后弟崇譚等其夏黃霧四塞終日諫大夫博士皆以爲太后諸弟爲侯非高祖之約鳳懼上書辭不許大將軍鳳用事上謙讓無所顓定陶共王來朝鳳因日食遣王之國京兆尹王章劾奏鳳上納之鳳疏乞骸骨太后聞之爲垂涕不御食上弗忍迺報鳳起視事使尙書劾奏章致其大逆罪死獄中自是公卿側目鳳輔政十一歲陽朔三年薨諡曰敬成侯子襄嗣

王音

按漢書元后傳大將軍鳳用事京兆尹王章奏封事召見上輒辟左右時太后從弟長樂衛尉弘子侍中音獨側聽具知章言以語鳳鳳遂下章更廷尉致其大逆鳳病天子臨問鳳言音謹敕薦音自代鳳薨竟代鳳爲大司馬車騎將軍封安陽侯數諫正有忠節輔政八年薨諡曰敬侯

王譚

按漢書元后傳成帝封太后庶弟譚關內侯河平二年封平阿侯鳳病言譚等奢僭不如御史大夫音音竟代鳳而譚位特進領城門兵谷永說譚令讓不受城門職久之薨諡曰安侯

王商

按漢書元后傳河平二年上封舅商成都侯初成都侯商嘗病欲避暑從上借明光宮後又穿長安城引內澧水注第中上怒使尙書奏文帝時誅薄昭故事商立根皆負斧質謝然後已久之上悔譚不輔政而薨也迺復進成都侯商以特進領城門兵代音爲大司馬衛將軍輔政四歲病乞骸骨天子閔之更以爲大將軍益封二千戶薨諡曰景成侯

王立

按漢書元后傳河平二年上封舅立紅陽侯商代音爲大司馬立位特進領城門兵商薨立次當輔政有罪就國哀帝初還京師平帝委政於莽莽顓威福紅陽侯立莽諸父平阿侯仁素剛直莽內憚之令大臣以罪過奏立仁就國遂遣使者迫守立仁令自殺賜立諡曰荒

王根

按漢書元后傳河平二年上封舅根曲陽侯商薨根爲大司馬驃騎將軍言上徵定陶王爲太子輔政五年乞骸骨益封五千戶賜安車駟馬黃金五百斤罷就第哀帝卽位司隸校尉解光奏根遣就

古今圖書集成
國元壽元年薨諡煬

王逢時

按漢書元后傳河平二年上封舅逢時高平侯與譚商立根五人同日封故世謂之五侯五侯爭爲奢侈然皆通敏人事好士養賢傾財施予以相高尚逢時無材能名稱薨諡曰戴侯

王曼

按漢書元后傳太后同產唯曼早卒餘畢侯太后憐曼蚤死獨不封子莽幼孤不及等比常以爲語上下詔追封曼爲新都哀侯而子莽嗣爵爲新都侯

王尊

按漢書王尊傳尊字子贛涿郡高陽人也少孤歸諸父使牧羊澤中尊竊學問能史書年十三爲獄小吏太守奇之除補書佐署守屬監獄稱病去事師郡文學官治尙書論語通大義復爲郡決曹史舉幽州刺史從事太守察尊廉補遼西鹽官長舉直言遷號令轉守槐里兼行美陽令事以高第擢安定太守抑疆扶弱威震郡中坐殘賊免復爲護羌將軍轉校尉坐擅離部署免歸涿郡太守徐明

薦尊上以爲郿令遷益州刺史先是王陽爲益州行至九折阪曰奉先人遺體奈何數乘此險尊至阪問曰此非王陽所畏道邪叱馭曰驅之王陽爲孝子王尊爲忠臣居部二歲蠻夷歸附其威信遷東平相王太后奏尊倨慢不臣坐免大將軍王鳳奏補軍中司馬擢司隸校尉劾奏匡衡左遷高陵令病免會南山盜爲害鳳薦尊爲諫大夫守京輔都尉行京兆尹事盜賊清遷光祿大夫守京兆尹後爲眞御史大夫奏尊暴虐免湖三老公乘興等上書訟之復以爲徐州刺史遷東郡太守河溢金堤尊祀水神請以身填隄因廬隄上吏民叩頭救止不去及水盛隄壞吏民奔走尊不動而水波却迴事聞增秩中二千石賜黃金數歲卒官

王章

按漢書王章傳章字仲卿泰山鉅平人也少以文學爲官稍遷至諫大夫敢直言元帝初擢左曹中郎將毀石顯爲所陷免成帝立徵章爲諫大夫遷司隸校尉以選爲京兆尹章雖爲王鳳所舉非鳳專權會日蝕奏封事言鳳不可用上初納受章言後不忍退鳳遂爲鳳所陷罪至大逆

王駿

古今圖書集成
按漢書王吉傳吉好梁丘賀說易令子駿受焉駿以孝廉爲郎陳咸薦其經明行修匡衡舉駿有事對材遷諫大夫使責淮陽憲王遷趙內史吉坐昌邑王被刑戒子孫毋爲王國吏故駿道病免起家復爲幽州刺史遷司隸校尉奏免丞相匡衡遷少府出爲京兆尹先是京兆有趙廣漢張敞王尊王章至駿皆有能名京師稱曰前有趙張後有三王代薛宣爲御史大夫病卒子崇

王襄

按漢書恩澤侯表陽朔三年陽平釐侯襄嗣十九年薨

王淵

按漢書恩澤侯表陽朔三年安平釐侯淵嗣二十五年薨

王獲

按漢書恩澤侯表鴻嘉元年平昌侯獲嗣三十八年建武五年詔書復獲注師古曰以其失爵復之也

王勳

按漢書恩澤侯表鴻嘉三年叩成侯勳嗣十四年建平三年坐選舉不以實罵廷史大不敬免

王仁

按漢書恩澤侯表永始元年平阿刺侯仁嗣十九年爲王莽所殺

王章

按漢書恩澤侯表元延元年宜春釐侯章嗣十八年薨

王況

按漢書恩澤侯表元延二年成都侯況嗣四年綏和二年坐山陵未成置酒歌舞免

王買之

按漢書元后傳逢時薨子買之嗣侯

按恩澤侯表作置元延四年嗣侯

王咸

按漢書外戚傳章從弟咸至左右將軍

王璜

按漢書儒林傳費直治易琅琊王璜平中能傳之璜又傳古文尚書

王咸

按漢書鮑宣傳宣下獄博士弟子王咸舉幡太學曰欲救鮑司隸者會此會者千人

王邑

按漢書恩澤侯表建平元年成都侯邑以況弟紹封王莽篡位爲隆信公與莽俱死

王涉

按漢書恩澤侯表建平元年曲陽侯涉嗣王莽篡位爲直道公爲莽所殺

王嘉

按漢書王嘉傳嘉字公仲平陵人也以明經射策甲科爲郎坐戶殿門失闕免光祿勳于永除爲掾察廉爲南陵丞復察廉爲長陵尉鴻嘉中舉直言召見宣室超遷大中大夫出爲九江河南太守治有聲徵爲大鴻臚徙京兆尹遷御史大夫建平三年代平當爲丞相封新甫侯爲人剛毅有威重上甚敬之哀帝立薦儒者公孫光滿昌及能吏蕭咸薛修等天子納用上詔益封董賢嘉封還詔書召